

مواسم الهجرة

تأليف د. رضا حسنين

إلى روح الانقياء الطاهرون
الذين ذهبو بدون وداع
إلى كل شخص يعاني الغربه في بلده
يعاني في صمت
أهدي هذا العمل

شخصيات المسرحية

صلاح مدرس التاريخ يبحث عن فرصة عمل في الخارج
مجدي الاخصائي النفسي المصاب باللويميا ، يسافر للعلاج،
حسن الكوافير الذي يسافر لكي يحقق حلمه في التمثيل
روؤف منتج يطمع بان يقيم علاقه مع زوجه حسن الكوافير الواهم بدور البطوله
ساميه زوجه حسن التي تقبل العلاقه مع روؤف علي امل ان يصبح زوحها نجم
سونيا اخصائه التدايك التي تصطاد زبائننا من الفندق الذي تعمل به
اسر الثري يرافق سونيا ومتجه للخارج لاجراء صفقات للبازار
عماد رجل الاعمال الهارب من مصر بديونه ومشاكله
سنوسي ايضا صاحب محل سباكه يخرج للحصول علي فرص لشراء اكسسوارات
من الخارج ليرجع بها .
ايهاب يعمل بالمطار في احدي الكافتيريات شاب اخصائي نصب علي الاجنبيات
ليز فتاه امريكيه تاتي للسياحه بمصر
الزمان : يوم عاصف في شهر يناير الساعة الرابعة صباحا
المكان :قاعه المغادره

المشهد الاول

الوقت تجاوز الرابعة صباحا البعض ينتظر علي الكراسي المخصصة للانتظار. وجوه المسافرين تبدو عليها أحاسيس متباينة. منهم من يظهر اللامبالاة. و منهم من اشتبك في حديث جانبي مع مرافقه. احدهم يبحث عن لوحات ارشادية لجمع بعض المعلومات عن الاقلاع. و اخر يقرأ المصحف. واحدهم سلط نظره علي نقطه ثابتة جالسا يفكر في لاشيء. بين لحظة و أخرى يعلو صوت المذيع الداخلي معلنا اقلاع رحلة ما، يقطع السكون بالقاعه جلبه من الخارج يدخل علي إثرها سنوسي و هو رجل في الأربعين من العمر في ملابس غير مهندمه لا تتناسب مع بعضها البعض وتم عن شخصيه غير مرتبه. عيناه تشي بالفضول. يلقي سلاما عابرا علي الجميع بالقاعه.

سنوسي: السلام عليكم(اسلوب نطقه للكلام يبدو حادا، ينبع من عفويته المفرطة يجلس علي أقرب كرسي إليه موجهها كلامه إلى الجالسين) سلامو عليكم مش برضو هنتظر هنا في ساحه الانتطاردي الطياره لغايه ما يندهو علينا. (يوجه كلامه الي أسر أقرب الجالسين إليه ثلاثيني وسيم جاد. ينصت أسر لسنوسي ويشيح بوجهه جانبا ولا يعيره انتباها يمد سنوسي يده بالتحية لأسر مقدما نفسه له بتطفل)

سنوسي: سنوسي عبد التواب سنوسي تاجر وموزع أدوات صحية.
أسر: (لا يبدو الحماس عليه) أهلا.

سنوسي: هي الساعة (متطفلا) أربعة والا أنا عينية مدخششة؟

أسر: تقريبا (أسر يشير الى سنوسي نحو مكان الساعة الموجودة في القاعة)

سنوسي: أيوه اربعة مكانش لازم أسأل طيب لو سمحت يا بيه هي طيارة الساعة ٨ من هنا؟

أسر: (موجهها كلامه الى سنوسي) بص في التكت اللي معاك وانت تعرف رقم رحلتك ورقم الجات بتاعك وبص في الشاشة. وبعدين ايه الدوشه اللي انت عاملها من ساعه ما دخلت... ممكن صوتك توطيه شوية (يتابع النظر الى المجلة)

سنوسي: يا سيدي ده حتى الرد ثواب. (يتوجه جانبا لكرسي اخر)
أسر: (بنفاد صبر) يا رب الرحله تطلع علي خير مش ناقصه .

صوت المذيع: تعلن شركة مصر للطيران عن اقلاع رحلتها رقم 777 على متن الطائرة القادمة من جنيف

سونيا: (تربت سونيا علي كتف أسر تدعوه للهدوء سونيا شابه تعدت العشرينات جميله تضع رأسها علي كتف أسر تكتم ضحكتها بيدها و تخفي وجهها في صدره) اهدي شويه

أسر: (وت منخفض) مصدقنا نساfer كام يوم ونرتاح من الاشكال دي ، اللي بتخلي الواحد يستنصف بلاد بره عن بلاد جوه (تضحك سونيا ويشرد أسر ويغتاظ سنوسي الذي ينصت لبعض الكلمات واهانه أسر له بشكل غير مباشر)

سونيا: (في دلال) متركزش يا أسر قلتلك أهدي شويه انت هتعمل موضوع من لا شئ.

أسر: (ناظرا الي سنوسي) إنتي أكثر واحد عارفة إنى بأتخفق بسرعه من الأشكال دي. (تضحك سونيا)

سنوسي: (ينصت سنوسي لجمله أسروضكه سونيا التي استفزته

ويخرج هاتفه الخاص متصنعا التحدثالي شخص ما ولكنه ينظر الي

أسر) أيوه يا مدبولي السكس بلف هو اللي تعبان (ينظر له أسرمغتاظا من

تلميحات سنوسي الذي يشيح بوجهه بعيدا). غور بقى واقفل

التلفون(قاصدا أسر)مش عارف أعمل ايه في الأشكال اللي بيحذفها علينا

المطار بتطاردنا جوه البلد وبراهنا. (يغلق الموبيل بغضبويتحرك الي كرسي

مجاور بجوار عماد الذي يقرا في مجله تخفي وجههم اديبدو متوترا إلي حد ما يلامحه حاده وعمره الذي تجاوز الأربعين) سنوسي: (يسأله متصنعا الأدب)

متأخذنيش بس يا بية .ممكن تخلى بالك من الشنطه بتاعتي.عقبال ما أدخل الحمام قبل ما الطيارة تقوموا اشتري مايه بالمره.

عماد: (مستخفا بكلامه)طب ما أروح أشتريك الماية أنا أحسن؟ سنوسي : اية ده ممكن ؟

عماد : (بغضب)ايه انت هستظرف ولا ايه؟

سنوسي : الله الله ليه كده ،الناس لبعضها يا عمانا من ساعه مادخلت المطار ومحدث عاوز يرد عليا هو في ايه متترسمش عليا يا نجم ،هو في ايه؟.(ينظر جانبا) و عشان انا راجل جنتل.

عماد: (يقوم متجها الي سنوسي متحفزا) طب ورينى كدة هتعمل اية ؟ سنوسي : هظبطك انا مغلطش في البخاري ياعم

صلاح:ي(دخل صلاح الي القاعة علي الشجار)اهدو يا جماعه مفيش حاجة حصلت لدا كللو (صلاح شاب فى الثلاثينات من العمر يرتدى قميص سويتير كلاسيك حليق الذقن و الشارب و يحمل حقيبته على كتفه يقف بينهما محاولا فض الاشتباك)

صلاح :أيه عيب كده متمسكوش في بعض احنا في مطار وميصحش. المذيع الداخلى :السادة المسافرين على متن الطائرة المتجهة الى(يخفت صوت المذيع فلا يظهر اسم الدولة)فى الرحلة رقم 999 عماد : (يقف منتبها للنداء منتبها محدثا نفسه) أوعى تقول الرحلة إنتلغت.

المذيع الداخلى : تعلن شركة مصر للطيران .. عن أسفها لتأخر اقلع الرحلة و ذلك لسوء الأحوال الجوية حرصا على سلامتكم .

عماد : (يقف وسط الصاله غاضبا)يعني ايه ده؟دا تهريج ؟.هو الواحد قرر يسافر علي بلاد بره من شويه اهو من الاستخفاف بتاعكو ده .لازم يشوفوا حل للمشكلة دى عندنا مسؤوليات بيوت الناس هتتخرب .

سنوسي: (يلفت نظره كلام عماد يكلم نفسه بصوت ساخر) يشوفوا حل.يعنى يطفوا مكنة الهواء ولا يركبوا جلدة فى السماء عشان ممتطرش . عماد : (يقف عماد ويتوجه الي سنوسي ويمسكه من قميصه محذرا و هو يضغط حروف كلماته) انت عندك مشكلة فى حاجة متعلقش علي اي كلمه تاني انا هقولها .بطل تلقح كلام وخليك في حالك .حقيقى البلد ده بترجع لورا مش بنتقدم.

صلاح: (يقف صلاح مره اخري بينهما ليمنع اشتباكهما ويعود عماد الي كرسية ويتجه صلاح الي كرسي بجوار سونيا تلفت نظره ينظر اليها نظرة طويلة تقع من يده بعض الكتب يتجه سنوسي له بسرعة يساعده في جمعها)

صلاح: شكر اشكرا (ما زال مسلطا نظره إلي سونيا التي أشاحت بوجهها الي الجهة الاخري)

سنوسي: محسوبك سنوسي عبد التواب سنوسي تاجر وموزع للأدوات الصحية(يصافحه صلاح ويتجهان للجلوس)

أسر: (ينظر لصلاح الذي اطال النظر لسونيا ثم لسونيا بارتياح ويتجه الي مقعد صلاح) حضرتك بتبص للمدام بتاعتي بطريقه غريبه؟ أنتو تعرفوا بعض ولا أيه؟

سونيا: والله يا حبيبي ما اعرفوا.

أسر: (صلاح يتقدم خطوه له ويقف أمامه) ممكن اعرف حضرتك بتبص للمدام قوي كده ليه حضرتك مين وعايز أيه؟

صلاح: انا معرفهاش سامحني علي النظره الطويله كنت فاكرها زميله قديمه. الشبه كبير بينهم سامحني

أنا صلاح مدرس و حضرتك؟

أسر: أنت هتصاحبني(يتجه أسر غاضبا بجوار سونيا ويعود صلاح للجلوس بجوار سنوسي)

سنوسي: أساذ صلاح الرحله اتاجلت والقعد هتطول. تعالي ربح شويه عشان الوقت يعدي. (يشير له بالجلوس) أتفضل يا ابو صلاح(صلاح يهم الجلوس) أساذنك بس. تخلى بالك من الشنطة بتاعتي. لحد ما أروح الحمام(يومي له صلاح بالقبول ويتجه سنوسي للحمامويخرج صلاح أحد الكتب للشاعر صلاح عبد الصبور لقراءته؟)

سونيا: (جانبا بصوت خافت لأسر) انت هتعمل مصيبه كل ما حد يبصلي... انت زعلان ولا ايه؟

أسر: لا يا ست حصل خير.(يصل سنوسي بجوارهم وبطبعه الفضولي يسترق السمع لحديثها دون ان يلاحظها)

سونيا: (تمسك يده وتنظر لعينية) متنساش وعذك يا أسر انت قولتلي يا حبيبي لما عمل العمليه وانزل اللي في بطني(ياخذها أسر جانبا) وأرجع هنعمل حفلة نعلن فيها جوازنا.(سنوسي من جانب القاعه متصلصا)

أسر: (يلاحظ وقوف سنوسي فيقاطعها و يحاول تغيير دفة الحديث وينظر لسنوسي غاضبا ولكن يكظم غيظه بعدها يخرج سنوسي للخارج ويتبعه

عماد ممسكا بفيب للتدخين متوجهها الي السموكينج ايريا ويكمل أسر حواره مع سونيا بعد خروجهما) أيوة أيوة ..لما ترجع بالسلامة كدة هنتكلم فكل التفاصيل خلاص هانت وكلها كام ساعه ونسافر واديكي معاكي فلوس تكفي العمليه والنقاهه انا دفعت كثير قوي كنت اعلمي العمليه هنا او فرلنا.

سونيا : (تتغير نبرتها الي نبره شرسه)كنت عايزنى أروح أتلطم على عيادات الدرجة الثالثة . انت بتبيع وتشتري فيا خصوصا بعد ما سبت شغلي في السبا في الأوتيل .انت اللي طلبت اني اسيب الشغل عشان غيرتك الزيادة . من بعد ما خدتي من الاوتيل لما ارجع هنتجوز رسمي ونقطع الورق العرفي.

أسر:برضوانا كان رأى انك تعملى العمليه هنا فى أحسن مستشفى فى البلد وبلاش تسافرى.

سونيا : (تقاطعهم بده) وانا قلتك بدل المره عشر مرات ان بابا أكيد هيعرف. بابا دكتور و كل زمايله عارفينه و عارفينى .مستحيل يخبوا عنه مصيبه زي دي.

أسر: (محاو لا انهاء الحوار) و انا خلاص يا ستى وافقت . د واديتك الفلوس اللي طلبتيها .وتروحي وترجعي بالسلامه دا حتي مستشفيات بلاد بره كويسة مش ناقصين .عاوزين نخلص من الموضوع ده بقى؟
سونيا : كان نفسي تبقي معايا لكن انت هتروح شغلك لايطاليا تجيب شغل للشركه بتاعتك وانا هكون في بلد تانيه انا مرعوبه لحسن تحصل اي مفاجئات هناك واحتاج فلوس.

أسر: ما احنا اتفقنا على كل حاجة و اديتك اتناشر الف دولار العمليه والمستشفى والمصاريف .انتى ناسية.

سونيا : لا مش ناسية بس مش هيقضوا .دول أسبوعين يا حبيبي.

سونيا : خليهم خمتاشر الف عشان خاطرى(يخرج دفتر الشيكات الخاص)بلاش شيكات يا أسر اسحبهم من الماكيه افضل.

أسر: يابنتي الدولار وصل سبعين ارحميني شويه(تضع راسها علي كتفه)و لا تزعلي ثلاث الاف دولار. اعتبريهم في شنطتك يا ستبس ارجو كى يا سونيا اولما العمليه تخلص .بتصلى بيه و تطمينى عليكى.ما تتصوريش الموضوع ده قالقتى قد ايه(يقف أسر متجهها للخروج من القاعه)

سونيا: انتا هترجع لوقتي وتسيبني انت مش قلت هتنتظر لما اركب الطياره وتطلع علي طيارتك ؟

أسر: طبعاً يا حياتي هنتظرك طبعاً. هخرج اتأكد من معاد الطياره علي اللوحه وارجعلك (يخرج أسر).

عماد: أنا أول مرة أشوف كدة (سنوسي و عماد قادمان من الخارج غاضبا متجها الي مكانه الذي كان يجلس

به) عمرى ما شفت اللبيحصل ده فى حياتى لا فى شغلى و مصانعى برة مصر و جوة مصر تاجيل سفر غير مبرر ومحدث بيسمع شكاوينا (يظهر من حديثه ثقته بنفسه ويلفت ذلك نظر سونيا)

سنوسى : (موجه كلامه الي صلاح ولكن عماد يشعر ان الكلام موجه اليه) إرف بعيد عنك يابيه.(بالكاد يتمالك أعصابه لمخاطبة سنوسى له يمسك صلاح بسنوسى من يده ويجلسه برفق) إرف الواحد احسنله يهج من البلد انشا الله يروح ابو جاموس.

عماد: (لنفسه)ابو جاموس شركة الطيران دي بقت لوكل أوى.

(يدخل إيهاب شاب عشريني وسيم يرتدي زي يشبه العاملين بكافتيريا المطار يتفحص الوجوه بالصالها بحثاً عن شخص ما يتجه إلي سنوسى ممسكا بصوره في يده فيرتبك سنوسى عندما يتجه إليهم يخرج إيهاب من الصاله يعود أسر الي كرسيه بجوار سونيا الذي يستفزه نظرات عماد المثيره الي سونيا)

عماد : (بنفاذ صبر) لاه ده الموضوع باين عليه هيطول حاجه تقرف .

أسر:(يوجه كلامه تجاه عماد بشكل غير مباشر)بارد (.ينظر له عماد بده)الجو لما يبقى بارد بيحصل تأخير فى مواعيد الطيران.

صلاح: (ملطفا الجو مع عماد) كل تاخيرها وفيها خيرها. باذن الله وكلنا نلحق مصالحنا ؟

عماد : (يستفزه تدخل صلاح وتوجيه الكلام اليه) انا فعلا ظش قادر اتحمل التسبب ده لكن للاسف كلام حضرتك مش هيقدم ولا هياخر.

صلاح : كلامك صحيح لكن انا بهون علي حضرتك الاثر بتاع تاجيل الرحله شايفك مستعجل ومتوتر. يعنى ادينا بنتكلم .ممكن نهون عن بعض شوية ..و بعدين تعرف حضرتك ان الخبرة موقف. يعنى كل لحظة الواحد بيعشها .خبرة بالنسبة له. فاكيد هنستفيد من بعض .يعنى مثلا .موقف انا تعرضتله قبل كده .و انت مش عارف تعمل فيه ايه. ممكن أفيدك ..كل واحد منناله تاريخ..وبنتشابا فى حاجات ...اذا استفدنا من بعضنا فى نقاط التشابه.

عماد : (مقاطعا) شكرا ل حضرتك.(بفروغ الصبر)انا عاوز اغور من هنا فقط.

صلاح: (و هو عائدا الى مكانه) انا فقط بهون عليك (يلتفت لسنوسي)
سنوسي: هو اصلا مش طابق نفسه انت اللي غلطان
صلاح: (لسنوسي)بس و ايه يعنى يا أخى لما نتكلم مع بعض..والا لازم
أحجز معاد الأول..يا أخى ده قارون ربنا خسف بيه الارضو فرعون ربنا
غرقه....ما تفوقوا كده ..واحد يقوللى انت بتبص ليه وواحد بيقولي مش قابل
كلامي خلاص انا غلطان.

المذيع: تعلن شركة مصر للطيران عن استمرار تأخر رحلتها
المتجهة(الصوت ينخفض يدخل مجدى و هو شاب فى الثلاثينات من عمره
بشوش الوجه حركته بطيئه ممسكا بيده حقيبته صغيره هو يرتدى ملابس
بسيطة تنم عن شخصية سوية منظمة و غير متكلفة يمشى فى هدوء)
مجدى : السلام عليكم يا جماعة (يذهب لأسر)الطياره اتاخرت زي ما
بيقولو ؟

أسر:(متبرما من سؤال مجدى) هو انا المحولجى بتاع المطار مكتوب علي
وشي استعلامات.(يمسك سونيا من يدها للخروج)تعالى نشرب حاجه بره
يا سونيا انا اعصابي هتتحرق(يخرج ومعه سونيا يشير لمجدي تجاه
اللوحه الالكترونيه) لوحها لاستعلامات من هنا دور بنفسك (يخرجان)
مجدى : لاحول ولا قوة الا بالله يا جماعة السلام عليكموا.
صلاح (يسمعه فيرد عليه)و عليكموا السلام ياسيدى على فكرة هي ديه
الرحلة 999 اللي بتسأل عنها.

مجدى : ألف شكر ؟

صلاح: أصل أنا من شوية كنت فاكتر نفسى متأخر .و كنت محتاج أى حد
يقولى الكلمتين دول. متشغلش بالك من ردود فعل الاخرين كلنا مضغوطين
لسبب او اخر و لايهمك اتفضل (يشير له بالجلوس الى جواره)
مجدي: صحيح الطيارة هتتاخر عشان الجو وحش شوية .؟
صلاح: و لما يتحسن ...الطيارة هتطلع.

مجدى: (متفحصا صلاح)شكرا لحضرتك؟(يطيل النظر اليه ويساله
متلظفا)احنا اتقابلنا قبل كدة؟
صلاح: فى الحقيقة لا.

مجدى: (متعجبا)شكرا لزوقك وسعه صدرك وردك عليا بكل محبه.
صلاح : ده اللي مفروض يحصل بين الناس .يكفى يا أخى إنك أول ما
دخلت قلت سلاموا عليكموا ..مش ده شىء مبشر برضة.(يبدو على مجدى
الإندهاش)قبل ما تدخل كانت الدنيا مضلمه معايا وقررت متكلمش مع اي

حد لغايه الرحله ما تطلع. لكن انت جيت وحصل العكس , أصلا لتاريخ
بيقول كدة كل ما الدنيا تضلمأوى. تيجب حاجة تنورها تانى
أسر: (يدخل من الخارج أسر) الو أيوه يا رامز. انا لوحدي دلوقتي الحلوه
بتصلح مكياجها بره . لا الحلوة هتمشى هخلص من لويه الدراع اللي
مسكاني بيها بس دفعت دم قلبي . عشان اخلص من العيل اللي لو شرف
هيخرب بيتي بجد . كان يوم أسود يوم ما سقطها من السبا بتاع الاوتيل والله
هيوحشني المساج بتاعها .

مجدي : (جانبا يتحاوران) اسمي مجدي تقدر تقولي يا مجدي . على فكرة يا
أساذ....؟

صلاح: صلاح اسمي صلاح وتشرفنا أساذ مجدي .

مجدي : صلاح.. أنت انسان حميمي قوى وبالشكل ده شكلك هنتعب في
الغربة . أرجو انك متكونش مسافر عشان شغل.

صلاح: مش بالضبط. (شاردا).. أنا مسافر بلاد بره عشان كفاية كدة.

مجدي : كفاية كدة !! تقصد ايه ؟

صلاح: كفاية بقى اللي انا عايشه لحد كدة . و قبل ما تقولى الجملة اللي انا

زهقت منها . ايوة انا مش

قادر أتكيف مع الواقع.

مجدي : بس لازم توجد لنفسك معدلات وسط عشان ت. (صلاح يقاطعه في

كلامه)

صلاح: كل اللي هتقولها للي كلام . و احنا أجدع شعب يتكلم . أكثر مشروع

مربح فى مصر حاليا هو الكلام بدون فعل تبيع الوهم علي انو حقيقه كثير

مجدي: مش للدرجه دي يا أساذ صلاح مصر دوله فيها الاف المصانع

والاف المؤسسات وورش ومكاتب ومزارع ومصايد وغيرو وغيرو

صلاح: بس حضرتك متقدرش تنكر إن كثير قوي مش لاقيين مكان طبيعي

في المؤسسات دي معظمهم خريجين كليات مبقتش تشغل خريجها كثير

منهما حترفوا الكلام زي مثلا انك تبقي يوتوبر وتكلم الناس ليل ونهار

وتبيع لهم الحلم والوهم , او تعمل قناه علي تيك توك وتتحفنا كل يوم بساعه

رغي وهري سامحني انا عندي اعتقاداتي اللي مخلياني متصالح مع نفسي

واقفل ودني تجاه الكلام اللي مبيقدمش لقدام . مصر نصها محللين نفسيين

كلهم عارفين المرض و علاجه . عارفين كل العناوين بيفهموا فى

السياسة والكورة و الفن و الطبخ . وفي النهاية مش عارفين يعالجو نفسهم

معلش دخلت فيك شمال علي العموم يا سيدي تقدر تقول إنى مسافر عشان

لما أشق هدومى و أقول جاى . أبقي بعيد عن بلدى.

مجدى : (بهذوء وثقه) ياه ده انت عندك فقدان ثقة بقى فى اللي حواليك .
صلاح: (ينفعل قليلا) ما تحسنينش انك جاى من كوكب تانى . انت اية
رأيك فى الناس اللي حواليك و الدنيا
الجميلة دى ؟

مجدى : مالها ؟

صلاح: (ينفعل اكثر قليلا) مالها ؟ طيب . ممكن أساذنك بس أغسل دماغى
بشوية ميه نار, أحسن أنا نفوخى بيولع (صلاح يتجه الي الحمام وتدخل
للقاعة ليز فتاه عشرينيه جميله شقراء بعيون زرقاء تبحث عن إيهاب
محدقة النظر فى كل الركاب ويقترب منها سنوسى)
سنوسى : أبوه كده بقى عاوزيين المطار يولع نار هاي هللو يا هلا
ليز : هيللو وير كان اي فيند جات نمبر سفينتي سفن.
سنوسى: ممكن نتعرف؟

ليز : نتعرف. (تتكلم العربى بصعوبة) ن ت ارف ؟.

سنوسى (يلاحظ ذلك فيوجه للبعض) حد يترجم يا جماعه.

أسر: (يتجه لها أسر) دي بتسال علي قاعه ٧٧ واتس يور نييم ؟
ليز : ليز.

أسر: أوة ... ليز (ينظر لباب القاعة منتظرا قدوم سونيا). واندرفولهوة
حضرتك مسافرة معانا برضة؟

ليزا : الأربى أندى نوص نوص انا خرجت من ترانزيت ايريا وجيت هنا
اشان رايحه شرم الشيخ (تشير بأنها لا تجيده) أنت ... ايجيشن؟
أسر: نو. (ينظر حوله وكأنه يدفع عن نفسه تهمه ما .. لا لا لا .. باس أنا
. ايجيشن .. بات اى يام .. (يري البعض ينظر اليه مستكرا). أنا مختلف
... مختلف عنهم خالص .. اى .. ام .. ديفرنت . وير ار يو فروم ؟
ليز : فروم . يونيتد ستاتسي يو لاتر

أسر : أنا عندى بزار فى نزله السمان مليون جعاريين لما نخرج اتشرف
انك تحبى تتفرجى عليها. ممكن اعزمك علي عصير في الكافتيريا بره
اديلك عنوان البازار (ويخرجان للكافتيريا وعينه علي الباب متفحفا قدوم
سونيا)

(تخرج ليز ويعود وأسرو سنوسى لأماكنهم وتدخل ساميه في الثلاثينات
جميله جدا تتحدث الي زوجها حسن)

سامية: حسن يا ربساعه وانت في الحمام انا دخلت جوا ارتاح شويه. (تغلق
التلفون) يا ربى انا خلاص مش قادرة ياربى ارضى ده ولا ارضى
ده (يدخل روؤف تجاوز الخمسون عام متائق يبدو متصابي)

رؤوف: مش ممكن اللي بيحصل ده .مش ممكن .جوزك جرسنى يا سامية وأنا مخرج ومنتج معروف.

سامية: يا أساذ رؤوف هدى نفسك . والله ده حسن من ساعة ماخذ الدور وهو مموت نفسه من الحفظ والمذاكرة.

رؤوف: مش فارقه كثير الموسم هناك كويس والناس هتحب حسن لانشكله مضحك ودا اهم حاجه. انا اللي ضايقتني منو أنه دخل من باب المطار بيوس فى الامن وعمال النظافة ويوزع عليهم صوره.وانتو الجيران ميعرفوش ان جوزك ممثل اصلا نسي انو كوافير فى الفرقة وعشان هو موهوب وجامد (**ينظر لها بنهم**) خذ الدور ده.

سامية: معلش يا أساذ متضيعتش نفسك ..أنا هبقى أفهمه بينى وبينه أن كده ما يصحش .متزعلش بقى عشان خطرى.

رؤوف: هو أنا مودينى فى داهية اللا خاطر كده (**يدخل حسن فى الاربعينات مبتسم**)

حسن: الحمد لله يا سمس مكنتش متخيل إن فى حد هيعرفنى شوفتى بتاع النضافه اللي أتصور معايا الحمد لله الناس عرفتنى من أول عمل ليا فى السوق اعلان البطاطس ده كان وش السعد عليا . امال لما ربنا يكرمنا باعلانين ولايعملين ثلاثه كمان هيجصل ايه .

سنوسى: (**يتقدم له سنوسى مع الموبيل لاخذ صورته معه**) انا عرفتك حضرتك فنان بتيجى فى التلفزيون؟

حسن: ايوه اعلان فستك فستك فستك ناو.

سنوسى: أيوه أيوه أنا شفت حضرتك وانت بتاكل كرتونه البطاطس. انا لسة شايف الاعلان قبل ما انزل .

حسن: سمس (**منادى على سامية**)

سامية: مالك يا حسن فية اية ؟

حسن: شايفه يا سمس حتى الأساذ عرفنى من الاعلان انا ما كنتش مقدر حجم الحب ده . علي الباب بره ياسمس مشوفتيهوش بيعملو معايا ايه؟العمال برا القاعه كانوا بيختمضوا فيا كل ده من الاعلان بتاع الأساذ رؤوف صيتتى .

رؤوف: (**فى حالة توتر ليز تدخل مره اخري**) كتبتى الاسكربت بعد التعديلات اللي اتفقنا عليها يا سمس؟

سامية: لسة يا أساذ رؤوف.

رؤوف: خلصيتها بسرعة يا سامية قبل ما نساخر احنا مش فاضيين عندنا شغل (**ينظر لها بنهم**) نارفى الموسم .

(يخرج صلاح من الحمام ويعود للجلوس بجوار مجدي)

مجدي: غسلت نفوذك؟ حضرتك مدرس تاريخ.

صلاح: ممكن من كلامي تكون اسنتجت إني مدرس لكن ازاي عرفت اني مدرس تاريخ بالتحديد؟

مجدي : انا اخصائي نفسي أقدر أحلل شخصيتك كويس ومن الكتب الى معاك المقریزی وابن خلدون و عبد الصبور بيبرزلي فكره تعلقك بالماضي والحاضر وربطك بينهم خلنتي اخمن انك مدرس تاريخ.

صلاح: طب تعالبي يا عم المحلل النفسي نشر بلنا سيجارتين في الاسموكينج ايريا القعهه بينها هتطول.

مجدي : لا يا عم أنا هصلى ركعتين أفضل.

صلاح : طب خدني معاك تكسب فيا ثواب (ويخرجان)

عماد : (يتحدث في الموبايل) أنا بقولك دلوقتي لا أنا معرفش إيه اللي ممكن يحصل اتصرف.. ايوه ايوه انا حولت جزء كبير من الفلوس برا مصر وخذت الباقي معايا لا ما انا لازم اخرج من البلد في ظرف ثمانية واربعين ساعة قبل ما يحطوا اسمي على قوائم الممنوعين من السفر (برق ورعد بالخارج) سلام سلام هكلمك بعديين

حسن : (يمسك بحقيبته سفره بعد عناء البحث بها) سامية؟

سامية (تقوم من مقعدها بجوار المنتج الفني وتتجه الي حسن) عن إذنك يا أساذروؤف (تتجه للجلوس بجوار حسن) نعم يا حسن.

حسن : اهو أنا مينفعش أجي معاكم في التجهيزات مش معقوله أفضل قاعد في الفندق يومين منتظر كمأنا قلبي واكلمي عليكى حاجي معاكى اليومين بنوع التجهيزات دول.

سامية : مش هاينفع يا حسن . أنا لازم أكون هناك قبلكم أرتب التجهيزات كلها المسرح وتركيب الديكور والاضاءه والملابس مع أساذروؤف. فى حاجات كتير مطلوبة منى لازم أخلصها قبل ما تيجو وتعمللو

الجيبنرال. إحنا مصدقنا الفرصه جاتلك يا حسن ووقفت علي المسرح ووشك أتعرف شويه. قدامك حاجات كتير جدا لازم تعملها تقعد في الاوتيل تحفظ كويس وترتب افيهاتك وتكسر الدنيا أيام العرض.

سامية : أنا واثقة انك هتثبت وجودك عيزاك تثبت للناس كلها انك أحسن منهم كلهم (فى بكاء) ساعدنى يا حسن ما تخليش كل تعبى يروح على

الفاضى.. أرجوك. (صوت رعد)

حسن : اية ده انت بتعيطى يا سامية و الا ايه ؟ (يجلسان يضع يده علي كتفها يربت عليها.سونيا تدخل من الحمام بكامل زينتها تبحث عن أسر ولا تجده يقابلها عماد يبحث بعينه عن أسر لا يجده ويجلس بجوار سونيا)
عماد : أكون بضيقك لو اعدت ؟

سونيا : ما انت قعدت.

عماد : الوقت بيبقى طويل ممل لما الواحد بيكون منتظر لوحده.

سونيا : فعلا.

عماد : اسمى عماد القليوبى.

سونيا : عارفك بتاع مصانعبره وجوه سمعتك من شويه.

عماد : بزنس مان.

سونيا : وانا سونيا بزنس وومن.

عماد : يا محاسن الومن ممكن تليفونكأكون سعيد لو قدرت اقابلكبعد ما توصلي (تعطى له كارت فيعود لمكانه يدخل أيهاب باحثا عن ليز فيراه سنوسى ويرتبك ويتجة ناحية ايهاب)

سنوسى : ممكن اساعد حضرتك انا ملاحظ إنك بتدور علي حاجه ؟

ايهاب : أسمك ايه ؟

سنوسى : سنوسى يا باشا .محسوبك سنوسى تاجر و موزع للأدوات الصحية؟

ايهاب : اسمك سنوسى (ينظر اليه فيرتبك سنوسى اكثر)

ايهاب : أنا عايز منك خدمة (يخرج صورة ليز من جيبه ويريها

لسنوسى)ما أخذتش بالك من الست دى النهاردة ؟

سنوسى : (ينظر الى الصورة فيلتفت الى ايهاب يجيبه كأنه يدفع عن

نفسه تهمة)انا شوفتها مرتين يا باشاشفتها و قلت الست دى جاسوسة .هية

مش برضة جاسوسة(بصوت هامس) هقولك كل حاجة يا باشا بس تعالى

بعيد عشان محدش يسمعنا.(ويخرجان اثناء رجوع مجدى وصلاح)

مجدى : أنا يا عم من بلد اسمها ترسا فى الفيوم اخصائي نفسي فى مدرسة

ثانوية و باعمل ماجستير فى

علم النفس؟

صلاح: مدام طلعت مدرس تبقى مسافر تشتغل؟

مجدى : و الله كنت ناوى بس النصيب بقى بعث اللي وراياوحتطهم على

القرشين اللي أدتهملى الدولة عشان أسافر اتعالج بره؟

صلاح: أقدر أعرف من اية؟ لو كنت مش عايز تقول براحتك.

مجدى : يا سيدى أنا مسافر عشان عندى لوكميا ,سرطان دم يعنى ومسافر
أزرع نخاع.

صلاح: يا ساتر يارب؟

مجدى : يعنى تقدر الأمل فى شفائى ضعيف بس أنا متمسك بيه. انا راضي
الحمد لله على كل شىء.

صلاح: للأسف كل يوم بيمر الوضع بيبقى اصعب واصعب عشان كده
سافرنا اذا كنا وصلنا للى فى دماغى يبقى قوليبقى ألف رحمة و نور علينا
كلنا.

مجدى : أنا ضد انى أحكم على الكل من منظورى الشخصى انا مضطر
انى اسافر لو كان فى حل بديل هنا كنت قعدت طبعاً.

صلاح:كنت بقول زيك كده بالضبط منسبع سنين أيام ما كنت بأفكر زيك
كنتباقول يمكن انا اللى عيني فيها حاجة مش مخليانى أشوف الصبح كنت
بأقول لى نفسى أوعى تبرر لنفسك فشلك و تعلق أسبابه على

الناس انت اللى فاشل لازم تعترف بكده انت اللى معقد انت اللى رجعى لكن
الموسم بتاع الهجرة للمصريين بيكرر نفسه بالحاح كل كام سنه وبمليون
سبب مقنع وغير مقنع. قلت القعد ياواد انت مدرس وكل عيش زي ما
غيرك بياكل عيش درس للعيال واعمل مجموعات . ولم فلوس و خلاص
قلت لى نفسي فيها ايه يعنى تشغل دماغك زى ما الناس بتشغلها لكن مقدرتس
وموسم الهجرة طالني للاسف .(يمسك مجدى مسبحته. عماد يقوم من
مجلسه منفجرا من الغيظ)

عماد : لا ده كثير قوى همه فاهمين اية الناس دى لعبة فى ايديهم . (يحمل
حقيبتة و يقف) انا هشوف

المسئول مين هنا الطيارة هتطلع يعنى هتطلع (يخرج بالتزامن مع ورعد
وبرق)

صلاح :(يمسك صلاح فى يده كتاب لصلاح عبد الصبور يقرأ منه بصوت
منخفض) فى بلد لا يحكم فيه القانون يمضى فيه الناس الى السجن بمحض
الصدفه. لا يوجد مستقبل فى بلد يسكن فى جتته الفقر كما يسكن ثعبان فى

الرمل. لا يوجد مستقبل فى بلد تتعري فيه المرأة كى تأكل لا يوجد مستقبل.
مجدى : (يكمل مجدى ما بداءه صلاح بدون النظر فى الكتاب) فى زمن
ملتات قاص و ضنين لن يصنع ربي معجزة أو خارقة كى ينقذ جيل من
موتى ماتوا قبل الموت.

مجدى:...الله يرحمك يا أساذ صلاح

صلاح : (ينظر باعجاب لمجدي الذي فاجأه) صلاح عبد الصبور بقى
تاريخ هوة راخر, لا ما هو أنا دماغى ما ولعتش من شوية. أنا مش قارى فى
الأدب جامد . بس أنت فاجئتني انك حافظ اشعار صلاح عبد الصبور. انت
فين من زمان يا راجل . مش بأقولك لولا وجودك النهارده أنا كان ممكن
يجرالى حاجة.

مجدي : انا حاسس ان عندى هبوط هاقيس الضغط.(يخرج جهاز ضغط من
الحقيبته التي يضعها علي كتفه ويضع الجهاز في يده يتوتر صلاح
ويهدئه مجدي)متخضش كده.(يبدا في اجراءات قياس الضغط وصلاح
يعاونه يعود سنوسى و ايهاب الذي يلفت نظره جهاز الضغط)
سنوسى : (يوجه كلامه لمجدي) الف سلامه عليك يا أساذ (يوجه كلامه
الي ايهاب) انتظر هنا يا باشا اكيد هترجع تاني .

ايهاب : و الله انا مش عارف أشكرك ازاي ؟
سنوسى : ازاي يا باشا مش انت لو في ماموريه لازم نسهالك انا عارف
انك عمرك ما هتقولي انت شغال ايه ولا بتعمل ايه لكن انا في خدمه
وتحت امرك.

ايهاب : شكرا شكرا يا اسطتى سنوسى ادينا منتظرين بس بلاش تلفت
النظر قوي كده(يخرج ايهاب للبحث عن ليزسونيا تمسك بمرءاه
صغير هوتعيد صباغه شفتيها تمسك بالهاتفون تفتح الواتس اب تهمس في
الهاتفون مسجله فويس).

سونيا : ايوه يا غاليه أنا كلها ثلاث ساعات وارجع البيت . مجرد ما طيارته
تمشي هرجع البيت . خلاص انا قفشت الدولارات دا طلع زبون سقع دا فاكتر
اني في الشهر الثالث كل الرجاله كده عاوزه تحس انها خصبه وحلوه
واوعي وشك (تضحك سونيا تنظر حولها) الفكه كلها معايا متقلقيش نسبتك
محفوظه بس نشليلي علي زبون تاني أغني منو في ال سبا ايوه هرجع من
بكره .

(ينظر كل من صلاح وعماد لسونيا وعينهما علي الباب ترقبا لوصول
أسر في اي وقت)

مجدي : انا مش فاهم حاجة الست اللي هناك دى انت منزلتشش عينيك من
عليها وهي كمان بتبصلك كثير
صلاح : أه قصدك سنية.

مجدي : انت تعرفها.

صلاح : سنية ده أول حب فى حياتي وتقدر تقول الأخير لان محبتش تانى.

مجدي : بتكلم جد ولا بتهرج احكيلى أنا عندي فضول غريب ؟

صلاح : ومن فيكى يا حي السیده محبش سنیه بنت مصر القديمة .كنت وقتها فى الليسانس وهى فى سنة أولى كونسير كانت ساكنة قدام صاحبى اللى بذاكر معاه وبرحلوا مخصوص عشان أسمعها وهى بتعزف على البيانو كنت بحس ساعتها إنى امتلكت الدنيا وحقت كل الاحلام وهى كمان كانت حاسة بيا رغم أن عمرنا ما اتكلمنا مع بعض كانت لغة العيون هى اللى بتجمعنا وساعات كنت اتجرأوا كتبلها شعر فى ورقة واحطها فى مشبك غسيل واحدفها لها من الشباك (يضحك) ومرة لبس فى وش ابوها وكان يوم أبوها اشتكى لأبو صاحبى فأبو صاحبى هزاني وفهمني إنى غلطان واتاسفت ليهم.

مجدى : طب ده الموضوع بجد بقى طب وبعديين.

صلاح : لا ابدأ جنبنا المشبك تانى (يضحكان) هحكيلك باقى القصه. بعد مدة رحى أذاكر عنده مسمعتش صوت البيانو وده اتكرر اكثر من مرة سألته عنها قال لى ان اهلها هيجوزها لثرى عربى وهتسافر معاه.

مجدى : كده فجاءة طب انت عملت ايه ؟

صلاح : معملتش حاجة ومن ساعتها اول مرة اشوفها انهاردة.

مجدى : ايه السلبيه اللى انت فيها ديه ازاي ما قدرتش تدافع عن حبك وتحافظ عليه الا اذا كنت وقتها بتتسلى او بتعيش حالة.

صلاح : لا حبتها بجد حبتها (يعيد النظر اليها يدخل عماد من الباب مره اخري)

سونيا: (وجه الكلام لعماد الذي يجلس بجوارها) هل فى جديد انا هزعل قوي لو رحله السفاري بتاعتي اتلغت انا لازم اكون موجوده هناك النهارده والسفاري يبدا من بكره.

عماد: كويس قوى تعرفى ان انا ليه صحبات كتير بيحبوا السفر و السفارى.

سونيا : أنا كمان بأحب السفر بس مش بأحب أكون فى جروب.

عماد : ياه زى بالظبط. انا حاسس ان علاقة الصداقه بنا هتطور اوى.

سونيا : مش هينع تقعد معايا اكثر من كده عشان ابن خالتي زمانه جى.

عماد : اه مفهوم مفهوم على العموم رقم تليفونى معاكى اول ما تكونى فاضية كلمينى.

سونيا : بكره بكره هكلمك بكره.

عماد : اوكى وانا هستنى تليفونك باى (ويذهب الي مقعده ممسكا بالتلفون)

- مجدى :** تعرف انى متغاض ومفروس منك امال ايه الكلام الللى عمال تقوله من الصبح عن الاصلاح والتغير وعبد الصبور والتاريخ وانت شخصية انهزامية وانسحابى
- صلاح :** أساذ مجدى ارجوك مظلمنىش انا مش ناقص وقتها انا كنت فقير كبير ابويا ولازم اتخرج واشتغل وعندى التزامات.
- مجدى :** تعالى يا صلاح اعمل حاجة ايجابية فى حياتك قبل ما تسافر.
- صلاح :** عايزنى اعمل ايه ده موضوع عدى عليه اكثر من عشر سنين.
- مجدى :** حاول تصلح انسان ضل بيه الطريق خد بايده نوره يمكن.
- صلاح :** ولو فشلت؟
- مجدى :** دايمًا بتقدر الفشل قبل النجاح دايمًا حاول يا اخي ولو فشلت يبقى كسبت شرف المحاوله.
- صلاح :** ايوه بس .
- مجدى :** انا نسبة نجاح عمليتى عشرة فى الميه لو هبص للتسعين فى المية فشل هقعدى بتنا وانتظر الموت.
- صلاح :** لكن ده؟
- مجدى :** متجهدينش اكثر من كده انا لومت دلوقتي هموت وانا حزين .ولو حقتلى رغبتى ولو ربنا كتبلى عمر جديد واتعالجت ورجعت هتفضل صديقى طول العمر. (ياخذ مجدى بيده ويقف ويدفعه بخفه تجاه سونيا يقف امامها)
- صلاح :** سنيه انا عاوز اكلمك؟
- سونيا :** انت باى حق تتكلم معايا؟
- صلاح :** بحق الايام الطيبة والمشاعر الجميلة الللى كانت بنا.
- سونيا :** ياه انت لسه فاكر, انت بترغى فى قديم اوى ,واديك قلت بعضمة لسانك, الللى كانت ممكن ترجع للكرسي بتاعك عشان مش فاضية.
- صلاح :** سنية انت ايه الللى غيرك كده فين سانية بنت البلد الجدعة المتعلمة الللى كانت بتحب الشعر والموسيقى انا مش مصدق انك تبقى .
- سونيا :** لا صدق وعشان اريحك اكثر وميقاش فلى نفسك ده اكل عيش يعنى انت دلوقتي معطلنى عن شغلى.
- صلاح :** (فاغرا فاه غير مصدق)انت يا سنيه مش ممكن انا ممكن اصدق اى حاجة لكن انك تبقى من ايد الى ايد والللى يدفع اكثر يرسى عليه العطى مش ممكن.

سونيا: لا ممكن لما الجوع يقرص بطنك يبقى ممكن لما اختك الصغيرة مستقبلها يضيع عشان معهاش تجيب كتب وتدفع مصاريف الكلية يبقى ممكن استريحت ولا عاوزنى اقول كمان.

صلاح: والغنى الى اتجوزتية؟

سونيا: مقلب انا واهلى شربناه ,البية كان متجوز تلاتة وعاوز يتممهم اربعة عيلة صغيرة وحلوة واهو بالمره يوفّر خدامة, هما تلات اسابيع غسل ونقلنى لبيت الحريم لقيت نفسى بخدم مراته التلاته وعيالهم ولما يحتاجني ادخلو غرفتو بليل زي الحراميه , يعني كنت متجوزاه بلقمتي ومصاريفي ولما اشتكيت طلقني بعد ما بريته من كافة شىء ورجعت بشنطة ايدى ابويا مات بحسرتة للأسف انت جي متأخر اوى يا أساذ صلاح ان ريحتك وحكيتك الحقيقه المره عشان تشيلني من دماغك معطلكش عندي شغل(وتتوجه بوجهها ناحيه الباب منتظره قدوم أسر)

صلاح: انا فشلت.

مجدى: ومالك فرحان كده لا لا انت مفشلتش ولا حاجة على المرء ان بسعى وليس عليه ادراك النجاح ممكن اتسند عليك وتدخلى الحمام انا تعبت شويتين (يتجه مجدى للحمام وصلاح يمسك بيده يساعده يدخل ايهاب باحثا مره اخري عن ليز)

حسن: (يمسك بالسيناريو)..أنا مجهز حته قصة هأعمل ديل حسان شغل المعلم لابنه عشان الدور الجديد.

ساميه: يا حسن ارجوك تنسى انك كوافير وركز فى دورك.

حسن:(ينظر في عينيها طويلا وكأنه يعترف لها بخطئهما)انا قررت اكون معاكى اليومين بتوع التجهيزات يا سمس قلقت عليكى وقلبي مش مطاوعني .

سامية: هو اللى هنقوله هنعيدة يا حسن مش هينفع انا لازم اكون معا أساذ رؤوف فى كل خطوه فى التجهيزات (تنظر له معاتبه)احنا خلاص يا حسن اتفقنا معاه علي الشغلانه وبعدها هنتنقل في حته فنيه افضل وبعدين انا سكرتيرته وشغل المكتب كله على كتافى مش هينفع اقولو حسن غيران عليا دلوقتي ممكن يسحبك من الشغل وقفانا هيقرر عيش (ويدخل رؤوف ينادي عليها)

رؤوف: سامية؟

سامية: أقعد راجع بقى يا حسن دلوقتي (تذهب الى رؤوف) أيوه يا أساذ رؤوف.

رؤوف : (يخرج حسن من القاعة متمتما بكلمات من دوره بعد خروج حسن مباشرة ينقض رؤوف على سامية يضع يده علي كتفها يتابعهم ايهاب خلسه) انا عاوز لما نعمل الشغل في الموسم هناك تعمله بنفس كفاءه عاليه مش مجرد شغل و خلاص .

سامية : (بصوت منخفض حتى لا يسمعها احد) مش هينفع اللي بتقوله ده هنا ده خالص يا رؤوف احنا قدام الناس شايف الاخ بتاع الكافيتريا بيصلنا ازاي ممكن يفهم حاجه غلط.

رؤوف : (يمسكها من ذراعها) الناس عارفه ان الفنانين بساط في التعامل مع بعض..(ينظر لايهاب) فنانين بقي يا غالي .(محذرا ساميه بلهجه حاده)أنا انتجت مسرحيه و اعلان للبيه عشان ترضي عني هو دخول الحمام زي خروجه ولا ايه؟ .

سامية : متقلقش كل اتفاقاتنا زي ما هي لمانسافر وحسن يروح اقامته ويقبض فلوسه ويجهز للعرض .وبعدها احنا نروح الاوتيل.وبعدين خليك حريص في تعاملاتك قدام الناس عشاني وعشان حسن رؤوف . من فضلك ده جوزى برضو.

رؤوف : الله انت زعلتى و اللي اية ؟ ما تنسيش ان فى ما بنا اتفاق. سامية : وانا هنفذ الاتفاق؟(تجلس بعيدا عنه قليلا وهو يقترب منها) رؤوف : معلىش كل الامور دي بتبقي صعبه في الاول بكره هنتعودي خلاص يا ستى معلىش..الله ولا تزعلى(يدخل أسر توجه الي جوار سونيا وفى نفس الوقت يدخل صلاح ومجدى من الحمام يتجهان للكراسي برق ورعد قوي جدا)

صلاح: صحتك عاملة ايه دلوقتى؟(محدثا مجدى وهو جالس بجواره) مجدى: الحمد لله أحسن.

عماد : (يدخل عماد الي القاعة متحدثا بثقه)كلها دقايق والطيارة تطلع يا جماعة يالا اجهزوا(عماد يرد علي هاتفه ينصعق من المفاجاه يحدث شخص ما)انت بتتكلم بجد سعر الدولار خلاص اتعوم بقي ب سبعه واربعين جنيه بس بس كده انا بيتي اتخرب. الواحد وعشرين مليون دولار خسو اكثر منسبعه مليون . الدولار من ساعه كان بسبعين جنيه دلوقتى محصلش الخمسين(يشرد قليلا وينظر لاعلي).

المذيع:علي ركاب الرحله 454 التوجه الي الطائره منفذ رقم 243

أسر : الطيارة بتاعتي هتطلع يا جميل .

سونيا :ممكن اطلب يا حبيبي؟

أسر:انا تحت امرك يا حياتى.

سونيا: سمعت موضوع تغيير سعر الدولار ده يا أسر انا كده الفلوس خست معايا الدولار بقي 47 جنيه يا أسر انا كده ممكن اتبهدل بره شوف فرق السعر ده بتاع الدولار واديهولي انا مش عاوزه بهدله .

أسر: غالى والطلب رخيص أخرج اجيبلك الفرق من الممكنة برة.(يخرج مسرعا)

سونيا: خدنى معاك يا حبيبي عشان بقى زهقانة من غيرك(أسر يسبق سونيا الى الخارج فيستغل ذلك عماد ويميل عليها)
عماد: لازم نتقابل باى شكل لازم.

سونيا: (هامسه له)طيب طيب

سنوسى: (يندفع سنوسى الي جوار ايهاب متوددا اليه بشكل مبالغ فيه)يا باشا لو تريحني وتقولي بس البننت الاجنبيه دي عملت ايه هل هي جاسوسه ولا عميله ؟

ايهاب: انت فهمت ايه يا اسطى سنوسى ..انا عارز اقولك إن أنا انسان عادي مش ضابط؟

سنوسى: (مقاطعا) لا لا يا باشا بلاش تنكر خرينا زي ما احنا ان طبعا فاهم انت مصر ليه علي انك انسان عادي.

ايهاب: خلاص أنت حر.(يتركه ويخرج) انا هدور علي ليز سلام.(هنا تدخل ليز فتدب الحياة في وجه ايهاب ويتجه اليها)
ليز: هوبة انتي كنت فين ؟

ايهاب: (يذهب الى ليز) واتس ماتر ليز أتأخرتى ليه سو ماتش؟
ليز: بصيت عليك ملقتكش قضيت وقت مع صديق.

ايهاب: الله العربى بتاعك بقى وندر فول.

ليز:الفضل يرجعلك هوبا الشات وز يو فادنى سو ماتش.

ايهاب: كان يو ربمبر ماى دريمز كان وي درينك سم سينج زير ليز:طبعا تعالي نشرب حاجه في الكافتيريا عشان انا غيرت في خططي للاجازة(يخرجان)

(عماد في جانب يمسط تلفونه يكلم شخص ما وصلاح يتحدث مع مجدي)
صلاح: مش ها ينفع يا مجدى مش هينفع.

عماد: يعنى ايه مش هيقدر.

صلاح: الظروف كلها اللي حولينا معطيات للجنون.

عماد: (في التلفون)طب قول لسعادته بقى انا لو ما سافرتش دلوقتى هضطر افتح كل الملفات. وعلى وعلى اعدائى.

صلاح : (المجدي وهو ينظر لعماد) الكل مع الفارق بقعامل زي شمشون يا
اما ياخذ كل حاجة يا يهد المعبد على اللي فيه
مجدي : صلاح انت خسارة تسافر بلدك اولى بيك يمكن اللي زيك لو قعد
فيها المعبد ميتهدش.

صلاح : يا مجدي ما فضلش كثير انا مش هاستنى لما المعبد يقع فوق
دماغى ده الجاهل واللى مش لقي ياكل بيقول انا اغسل صحن بره
اكرملى أمال لو شايل امانة بقى وقارى وبيفهم ان كل يوم انها مش نافع
معها تنكيس والاساسات اتضربت خلاص يقول ايه ؟

مجدي : وده سبب ادعى انك تفضل هنا لازم تلاقى نفسك يا صلاح فى بلدك
لازم لو ملقتش لنفسك دور مهم هنا مش هتلاقيه في اي بلد في العالم.

صلاح : كلام نظري في واقع مميت يا مجدي المصانع نصها قفل
والمؤسسات مبقتش عاوزه حد .التعيينات الوحيدة الموجوده في البلد
للقطاعات اللي شبهنا اللي متخرجين من كليات الغلابه يا اما سيكيورتي
ياما سواق ان دريفر او حتي عامل توصيل .لو كنت محظوظ ولقيت تعيين
بالمؤهل بتاعك هتبقى معجزه ؟ومصوغات التعيين فيها مش الكفاءة

والشرف والامانة لا بقت مصوغات التعيين فيها انت مين وهكسب منوراك
ايه . المهن المعتره دلوقتي بقت وراثه ابن الدكتور دكتور وابن الضابط

ضابط وابن العيان عيان مفيش حد هيسمحاك تكون هنا اللي زي وزيك
مجرد طوب يترص على بعضه عشان يعلى عليه الكبار .الحال كله اتغير
من شهور درجه الحراره في الصيف وصلت لخمسين وعمرها ما حصلت
ودلوقتي في الشتا عواصف واعصار حتي المناخ اتغير .انا مش متصور

ان فى ناس فى الدنيا مغيبين زينا كده لا وحبين ده منطقه مر عليها كل
المصايب والصراعات والكوارث والدمار والاحتلال ومش فاهمة حاجة
وبتعشق التفاهات مع اننا عارفين عدونا وخطة عدونا وحلم عدونا علي

فكره يا مجدي بلدنا موعوده من ايام الفراعنه بالمواضيع دي وزي ما تقول
بقي بقت موجوده في الجين الوراثي لناسهاكلن كل ما بتزيد عن جدها بتبدا

مواسم الهجرة لناسها لانهم مش لاقيين نفسهم فيها. (هنا يدخل أسر وسونيا
وعلامات السرور باديه علي وجه سونياالتي تمسك بحقيبته يدها)

أسر: خلاص يا حبيبتى اطمنتى ادى الفلوس فى شنطتك.

سونيا : ربنا يخليك يا حبيبي.

عماد : (يوجه كلامه للجميع بالصاله)خلاص اجهزوا يا جماعة انا كلمت
المسؤولين وكلها عشر دقائق والطيارة تطلع.

مجدى : الجو زى ماهوة ..مفيش تحسن . ممكن راجل زى ده باتصالاته
يطلع طيارة بغض النظر عنالمخاطرة .
صلاح: وساعة ما يحصل اى حاجة يبقى الطيار يتحبس.الصندوق
الأسوديقول الطيار خالف التعليمات و شد الركاب من رقابتهم و حطهم فى
الطيارة رغم كلالتحذيرات.انا لازم احذر الناس (**يترك مجدى ويقف فى
وسط القاعه**) .على الأقل الناس دى لازم تعرف قبل ما الطيارةتطلع.
مجدى : (**يمسك به**) انت هتعمل ايه بس اهدا ابقى قول اللى هتقوله بس فى
الوقت المناسب

صلاح: يعنى انتظر لما تولع ؟

مجدى : اهدا بس تعالى جنبى (**لكن صلاح يخاطب الجميع**).

صلاح : يا أساذ ياهانم يا بيه يا نجم (**نسمع صوت انفجار مما يترتب عليه
انقطاع الكهرباء لمدة عشر ثواني ونسمع اصوات لغط وريكة فى صالة
الانتظار مع سماع لصافرة انذار سرعان ما يتوقف وفى تلك الاثناء نسمع
فى الظلام بعض الكلمات على لسان الشخصيات**)
سامية : يا ساتر يا رب .

حسن : أيه ده فيه ايه؟

سونيا : أسر انا خايفة ...خليك جانبى ماتسبنيش.

أسر : ما انا جنبك ايه ..اهدى بس أما نعرف فيه ايه.

سنوسى : هى السفرية ديه باينة من اولها.

عماد :ارجوكوا تهدوا شوية عشان نعرف فى ايه بالضبط.

المذيع الداخلى : على جميع السادة المسافرين الالتزام باماكنهم ومراعاة
ضبط النفس كما نحيط سيادتكم علما انه قد حدث ارتطام بسيط لاحد
الطائرات اثناء هبوطها الاضطراري بمولد الطاقه الان يعمل المولد
الاحتياطي ولا توجد اصابات او خسائر فى الارواح حتى الان (**فى هذا
الاثناء تعود الاضاءة ويعود الهدوء نسبيا الى الصالة .الكل يلتقط الانفاس
الكل**)

عماد : أرجوكم يا جماعة ما فيش داعى للقلق . انتوا اول مرة تسافروا ولا
ايه كل يوم بيحصل حوادث زى دى فى كل مطارات العالم .

صلاح : لكن مش كل يوم طيارة بتولع بسبب الفساد.(**يخاطب الجميع**) ممكن
اقول حاجة يا جماعة (**يستمعون**)معلش استحملونى الجو ما اتحسنش زى
ما انتوا شايقين والباشا بيعمل المستحيل عشان الطياره تطلع بينا دلوقتي
,شوفتو وسمعتو اللى حصل فى طياره كانت بتنزل فى الاجواء دي علي
الارض طبممكن يحصلنا ايه واحنافى الجوىلا فوق المحيط ,الباشا

بأصواته بياكد ان الطيارة هتطلع(قاصدا عماد ويشاور عليه) انا عارفان
مفيش دليل علي كلامي بس انا وجدت ان من الواجب اني اقولكم كل اللي
انا خايف منه.

مجدى : الصراحة يا جماعة لازم تفكروا الف مرة.

روؤف : ازاي بقى ده انت مسافر وجنك شنطك وبسبورك معاك اهو.

مجدى : لا اصل انا مسافر أعمل عملية جراحية خطيرة واحتمال كبير اوى
مرجعش فمش فارقة معايا.

(ليز تدخل منزعة من ايهاب)

ليز : دا قراري النهائيهوبة انا هسيبك وامشى عشان طياره الترانزيت
معادها قرب جدا اشوفك في شرم الشيخ سلام.

ايهاب : (يمسك معصمها غاضبا)نو انتى بتكلمى ازاي مش ده اللي اتفقنا
علي انك تقعدى معايا كام يوم ونتحرك انا وانت سوا.

ليز : ليف مى (تنزع زراعيها من يده) أرى كرىزى (يعلو صوتها)

أسر :(يمسك أسر يد ايهاب ويدفعها بقوه ويحرر يد ليز) انت اتجننت يا
راجل انت ... ما تسيبها ايه التطفل ده هو بالعافية.

ايهاب : محدش هنا ليه دعوة بحاجة.(يدفع أسر في صدره ويقع ارضا من
الدفعه)

أسر : انت اتجننت يا كلب انت عارف انا مين ؟

سنوسى : اهدى بقى يا نجم الباشا مخابرات والبت جاسوسه لم نفسك بقى
وسيبه يشوف شغله.(ينسحب عماد في هدوء)

ايهاب : الله يخرب بيتك انا ناقصك سيبنى فى حالى يا جدع انت عاوز
تحبسني (يجلس منهارا)

ليز : (تكلم أسر) ايم ردى أسر وى كان جوتو توجيزر ناو لشرم الشيخ
وبعدهاممكناروح معاك البازار.

سونيا : (مستمعة الى ذلك) تروح معاك البازار طب كنت تستنى لما
اسافر يا واطى يا ندل واشقظها .

أسر : (يمسك يدها ويرميها على الكرسي المجاور لها) ندل وواطى لى
نفسك يا سونيا .انتي خدتي كل اللي طلبتية. وبعدين دا شغل يا سونيا دي

ممكن تجيب جروبات افضل من اللي كنت هاجيبها ميت مره سلام يا سونيا
(يتجه الى ليز) ليز ليت اس جو ناو ليز(يخرجان)

سونيا : أسرأسر (منادى عليه ومسرعة بالخروج نحوهم لملاحقتهم)

صلاح : (يلتفت صلاح بجواره ويجد حقيبته علي الكرسي)يا اخونا الشنطة
ده بتاعت حد؟

حسن : يا عم شنطة ايه دلوقتى.

صلاح : ياخونا الشنطة ديه بتاعت حد فيكو؟

سنوسى : انا افكرت يا باشا الشنطة ديه بتاعت الرجل الرخم اللى كان طالع فيها و خلع لما عرف ان فيها بوليس ومخابرات (يشير الي ايهاب).
ايهاب: (يكلمه وهو منهارا) قلتك ميت مرة ماتقوليش ياباشا سيبنى فى حالى يا جدع انت غور من وشي انا شغال فى كافتيريا فى المطار هنا انت مبتفهمش حمار يا بنى ادم انت انا قلتك انى انا مخابرات واللى حتى امين شرطة ؟

سنوسى : (يصفعه على خده قبل ان يكمل كلامه) انت هتستعبط ياض حمار و غبى ايه لا ده انت ما بتشوفش العيال اللى شغلين عندى بعاملهم ازاي لما يقلو ادبهم بس حظك ان احنا فى مطار هو صحيح سداح مداح عشان امثالك بيدخلوا ويشتغلوا هنا . عملت فيها مهم عليا من ساعه مدخلت خلتني مر مطون ليك وشتيمه وقرف وانا مستحملك . انا ها ربيكالذكرة ايه (يقطع التذكرة قطع صغيره ويضربه ايهاب ويدفع سنوسى ارضا يقف صلاح يدافع عن سنوسى ومعه حسن)

حسن : يا عم الدنجوان براحة على الراجل عمال تنتنط علينا من ساعة ما جيت . وفى الاخر بتيجى على الراجل الغلبان ده وتضربه عايز تعمل راجل . كنت تعمل راجل على ضحكت عليك واستغفلك وراحت شرم مع الدنجوان اللى شقط الاجنبيه منك .

ايهاب: (يصمت قليلا) طب حد غيرك يتكلم يا فنان . الا هيه سامية دى مش مراتك برده انا شايفها بره فى الكافتيريا مع الباشا اخر حلاوه وانسجام . تقدر تقولى مين الباشا (يشير براسه الي رؤوف).

حسن : اخرس يا كلب . سامية كل اللى بيربطها بروؤف انها سكرتيرته . ساميه ما بتعملش حاجة غلط.

ايهاب: يعنى عاوز تفهمنى انك انتقلت من كوافير لنجم الفرقة فى لحظة عشان سواد عيونك . اصحى يا فنان اذا كنت مكسوف تقول انك عارف كل اللى مرتك بتعمله ماشى . لكن ما تكذبش الكدبة وتصدقها بقى مراتك مستتية الطيارة تطلع علي بلاد بره عشان تروح تدفع ثمن نجوميه حضرتك يا فنان كلنا فى الهوا سوا (حسن ينزعج من كلام ايهاب)

حسن : قلتك اخرس يا كلب انا مش كده . والله سامية مراتى ما بتعملش حاجة غلط يالا يا سامية يالا نروح بيتنا انا عاوز ارجع تانى يالا يا سامية .
سامية : (تتجه الي ايهاب ورؤوف) انتوا اخر ناس تتكلمو عن الشرف . يالا يا حسن نرجع بيتنا ونربى عيالنا ملعون ابو النجومية اللى كانت هتخرب

حياتنا ملعون ابو اللقمة المتغمسة بالتراب انا ما خنتكش يا حسناحتا بس
خايفين من الجوع .ومقطوع لسان اى حد ممكن يتهمنى فى شرفى.

روؤف : ايه الكلام اللي بتقولنه ده يا سامية

سامية : انت تخرس خالص.ياللا يا حسن نرجع بيتنا يالا انشالله نكلها بملح.

مجدى : طبعا انت عرفت الشنطة ديه بتاعة مين وفيها ايه؟

صلاح : بتاعة الباشا ...واللى فيها فلوس الغلابة شقاها وعرقها ودمها .كان

عايز يهرب بيها برة مصر.ولما حس انه هينكشف سابها وهرب .وطبعا ده
كلام فارغ بالنسبة للى حوله برة وبتسألنى مسافر ليه. البلد بتصفى يا مجدى

اسبوع البواقى والفضل واحنا بواقى تصدير. ايه الليخلى قلوب الناس

قاسية كده وعقولها فاضية ونفوسها ضعيفة . ايه اللي يخلى شباب زى

الورد تعرض نفسها للموت فى مركب صيد فى عرض البحر وتهاجر

للمجهول ايه اللي يخلى شباب كلت من طينها وشربت من نيلها تتنازل عن

جنسيتها وتترمى فى حوض العدو ايه اللي يخلى الناس تستسلم للضياح

والياس وهى شايفة البلد بتطلع فى الروح وما تملكش غير الدعاء وقراية

الفاحة متقوليش الفقر والازمات العالميه اللي حوالينا الحرب الروسيه

وحرب غزه وازمه كورونا طول عمرنا فى شده .وبنمد لحافنا على قد

رجلينا ونقول ربك ساترها واهى ماشية .يمكن يكون عدم المساواة وتكافؤ

الفرص ولا الاحساس بعدم الانتماء الرشوة المحسوبية غياب الضمير

انهيار المبادئ اختلال القيم .الظلم الثقافة المستوردة الاحساس بالعدم

الدوران فى الحلقة المفرغة.... الظلم هو الظلم يا مجدى هو جاوبنى يا

مجدى ساكت ليه دماغى هتتفجر؟

مجدى : هو كل اللي انت قولته يا صلاح ضيف عليه الجهل وغياب القدوة

البلد ملهاش ذنب يا صلاح بلدنا ديه اطهر ارض وأعرق أرض المشكلة فى

الناس يا صلاح الناس محتاجة للى يوعياها بأمانة وياخذ بأيدها بصدق ودايما

يفكرها من غير ما يعمل عليها وصى, وبدون ما يمل وده دورك ودورى

ودور جيلنا, أنا عارف اننا جيل مطحون بين جيلين,كل وظيفته انو يبقي

جسر فقط يعبر عليه الجيل اللي قبل منو ,لكن جسر خايب ممكن يقع باللي

عليه .اللى اتعلمناه غير اللي بنعيشه واللى بنعمله غير الناس عايشينه

,القضية صعبة بس دي امانة, والقدر هو اللي اختارنا ,لازم نكون قدها يا

صلاح لازم مين اللي هيعلم ولادنا اول درس فى التاريخ ان احمس

المصرى هو اللي قهر الهكسوس مين اللي يقول لابنى ماهى اسباب فشل

الحملة الفرنسية على مصر مين يحكلهم ازاي الجيش المصرى صنع

ملحمة العبور فى ثلاثه وسبعين وانتصر ,اللى زيك مكانهم هنا يا صلاح

فى حضن الناس فى حضن الارض الطيبة مواسم الهجرة مفروض متكونش للى زيك اللي زيك مكانهم وسط الناس هنا مش فى بلاد بره. (يمسك بالشنطة ويخاطب صلاح) انا بقول نسلم الشنطة للامن وهما يتصرفوا.

صلاح: امن ايه يا مجدى اللي نسلمهاله مد ايدك فى الشنطة وادى الناس ادى كل واحد شوية.

مجدى: انت بتقول ايه؟

صلاح: ايوه ما هو حقهم طول عمرهم بيسمعوا البلد فيها كثير البلد فيها كثير وبيسالو نفسهم هو الكثير ده فين؟ وبيروح لمين مجدى: انت هتعمل فيها روبين هود.

صلاح: لا احنا مسرقناش حد

مجدى: بس دي امانة.

صلاح: يعنى هي بقت امانة دلوقتي بس. لو أقدر أدفعهم بايدي ثمن سرير فى مستشفى لو اطول ادفعهم بايدي ثمن اسمنت وحديد فى كوبرى لو اطول ادفعهم ثمن عشوة لست غلبانة ولا عيل جعان,

مجدى: اشمعنى يعنى عاوز تعملها بايدك؟

صلاح: عشان اتأكد ان خير البلد بيروح ليها.

مجدى: انت فاكرها بتاعتك لوحدك؟

صلاح: (يشير للشنطة) ايوه بتاعتى مش انا اللي لقيتها.

مجدى: انا اقصد البلد؟

صلاح: (يضحك) والله يا اخى البلد ماتتسبش برضه. طب هنضحك فين؟ فى الغربية؟

مجدى: اضحك اضحك (ينفجران من الضحك هما الاثنان)

صلاح (مع نفسه شاردا) مجدى انا. انا قررت اسمع كلامك يا مجدى

مجدى انا. انا مش هسافر. موسم الهجرة لازم نوقفو يا مجدى والا البلد

هتفضي من اللي بيحبوها لازم نعمل موسم عوده لبلادنا يا مجدى احنا

موجودين بالجسم وبس لازم نبقي موجودين بالفعل. انا هستناك لحد ما ترجع

بعد ما تعمل عمليتك وتقوم بالسلامة ان شاء الله هستناك يا مجدى عشان

نعيد ترتيب دماغتنا ونرتب حياتنا بشكل جديد. ونشوف احنا مقصريين فى

ايه وايه اللي المفروض نعمله ونحاسب نفسنا ونقف قدام مشاكلنا وماندهاش

ظهرنا.

المدىع الداخلى: النداء الاخير تعلن شركة الطيران تعلن عن قيام رحلتها

رقم 999. (يتجه صلاح الي مجدى الجالس علي كرسيه بدون حركة)

صلاح : مجدى يالا بسرعة الجو اتحسن اخيرا يالا هنتاخر كده مجدى انت
مستنى ايه النداء الاخير خلاص مفيش وقت لازم تلحق الطياره بسرعه ؟
مجدى مجدى .انت.مجدى.مجدى لأ يا مجدى انت اكيد تعبان او عندك
هبوط.انت ماموتش يا مجدى ارجوك . ارجوك يا مجدى ما تسبنيش لوحدى
..\انا مش هعرف اعمل حاجة من غيرك . الفكرة بداناها سوا . يا ناس يا
خلق حد يسمعنا . حد يلحقنا ..لا لا لا (صوت صلاح يختفي مع ارتفاع
صوت اقلاع الطائرة والمذيع الداخلى معلنا اقلاع الطائرة)

النهاية